



MEMORIA XUSTIFICATIVA

María Francisca Gómez Santos, secretaria xeral técnica da Consellería de Política Social e Igualdade, **DECLARA:**

1. Que esta Consellería de Política Social e Igualdade, ten previsto formalizar un novo Convenio de cooperación entre a Consellería e a Universidade de Santiago de Compostela, para a realización de prácticas académicas externas do estudiantado da Universidade de Santiago de Compostela.

Na ordenación das ensinanzas universitarias oficiais, introducida, por exixencias do proceso de construción do Espazo Europeo de Educación Superior, na Lei Orgánica 2/2023, de 22 de marzo, do Sistema Universitario, e desenvolvida polo Real Decreto 822/2021, de 28 de setembro, polo que se establece a organización das ensinanzas universitarias e do procedemento de aseguramento de súa calidade, púxose unha especial énfase na realización de prácticas externas polos estudantes universitarios, previndo que os plans de estudos de Grao deberán conter «toda a formación teórica e práctica que o estudante deba adquirir», entre a que se menciona «as prácticas académicas externas» (artigo 14.2), e que no caso de que «o plan de estudos incorpore a realización de prácticas académicas externas curriculares, estas terán una extensión máxima equivalente ao 25 % do total de créditos do título estudos» (artigo 14.5).

Neste mesmo senso, o Real decreto 1791/2010, de 30 de decembro, polo que se aproba o Estatuto do Estudante Universitario, recolle no dito Estatuto, concretamente no seu artigo 8, entre outros, o dereito específico dos estudantes de Grao a «dispor da posibilidade de realización de prácticas, curriculares ou extracurriculares, que porán realizarse en entidades externas e nos centros, estruturas ou servizos da Universidade, segundo a modalidade prevista e garantindo que sirvan á finalidade formativa das mesmas» (letra f) e a «contar con tutela efectiva, académica e profesional, no traballo de fin de grao e, no seu caso, nas prácticas externas que se prevexan no plan de estudos» (letra g).

Con maior detalle, o artigo 24 do dito Estatuto regula as prácticas académicas externas, as súas clases e as súas características xerais, así como a extensión da súa realización a todos os estudantes matriculados en calquera ensinanza impartida polas universidades ou centros adscritos as mesmas.

Aos efectos de desenvolver a regulación das referidas prácticas académicas externas, aprobouse o Real decreto 592/2014, de 11 de xullo, polo que se regulan as prácticas





académicas externas dos estudantes universitarios, o cal constitúe a norma básica na materia.

As prácticas académicas externas configúranse como unha actividade de natureza formativa realizada polos estudantes universitarios e supervisada polas universidades, cuxo obxectivo é permitir aos mesmos aplicar e complementar os coñecementos adquiridos na súa formación académica, favorecendo a adquisición de competencias que lles preparen para o exercicio de actividades profesionais, faciliten a súa empregabilidade e fomenten a súa capacidade de emprendemento.

No artigo 7 de antedito Real decreto 592/2014, de 11 de xullo, establécese que para a realización das ditas prácticas externas, as universidades e, no seu caso, as entidades xestoras de prácticas a elas vinculadas, subscribiranse convenios de cooperación con entidades colaboradoras previstas no seu artigo 2.2, entre elas as administracións.

Os ditos instrumentos de cooperación configúranse como o marco regulador das relacións entre o estudante, a entidade colaboradora e a universidade e, no seu caso, a referida entidade xestora das prácticas, establecendo o dito Real decreto, as estipulacións que os deban integrar.

2. Ao abeiro do exposto, a Consellería de Política Social e Igualdade e a Universidade de Santiago de Compostela prevén asinar un Convenio de colaboración para a realización de prácticas académicas externas por parte do alumnado da Universidade en diversos centros e dependencias da Consellería. Os estudantes en prácticas non recibirán ningunha contraprestación económica por parte da Consellería.

O convenio aplicase a unha serie de titulacións directamente vinculadas cos eidos materiais competencia da consellería:

- Grao en Mestre ou Mestra de Educación Infantil.
- Grao en Mestre ou Mestra de Educación Primaria.
- Grao en Educación Social.
- Grao en Pedagogía.
- Grao en Traballo Social.
- Grao en Óptica e Optometría.
- Grao en Psicoloxía.
- Máster Universitario en Psicoloxía Xeral Sanitaria.
- Máster Universitario en Psicoxerontoloxía.





- Máster Universitario en Psicoloxía Educativa: Desenvolvemento e Aprendizaxe.
- Máster Universitario en Procesos de Formación.
- Máster Universitario en Igualdade, Xénero e Educación.
- Máster Universitario en Dirección de Actividades Educativas na Natureza.
- Máster Universitario en Servizos Culturais.
- Máster Universitario en Optometría.
- Máster Universitario en Xerontoloxía.
- Grao en Nutrición Humana e Dietética.
- Máster Universitario en Innovación en Nutrición, Seguridade e Tecnoloxía Alimentarias.
- Especialidade en Psicoloxía da Intervención Social e Comunitaria do Máster Universitario en Psicoloxía Xeral Sanitaria.
- Grao en Criminoloxía.
- Máster Universitario en Tecnoloxías en Marketing e Comunicación Política.
- Máster en Saúde Pública.
- Máster Oficial en Psicoloxía do Traballo e as Organizacións e Psicoloxía Xurídica e Forense.

Este convenio poderá ampliarse a outras titulacións que garden relación coas prestacións competencia da Consellería. A estes efectos poderase asinar unha addenda ó presente documento.

3. De conformidade co disposto na cláusula décimo sétima, a vixencia do instrumento de cooperación comprende catro anos a contar dende a data da súa sinatura. Así mesmo, a dita cláusula establece a posibilidade de ser prorrogado por outro prazo igual ao establecido de xeito inicial.

4. Así, o exposto e os intereses converxentes das partes asinantes exclúen o ánimo de lucro, determinando que o obxecto da cooperación non pode satisfacerse axeitadamente mediante a celebración dun contrato ao abeiro da Lei 9/2017, do 8 de novembro, de contratos do sector público, polo que se traspoñen ao ordenamento xurídico español ás Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014.





En atención ao indicado, e a fin de dar cumprimento ao preceptuado no artigo 15.2 da Lei 1/2016, do 18 de xaneiro, de transparencia e bo goberno, estímase xustificado o recurso á sinatura do convenio de cooperación que se pretende, nos termos do dito convenio, coa exclusión doutras figuras.

E para que conste, asíñase esta memoria, en Santiago de Compostela na data da sinatura dixital.

